

आकाशवाणी

- दिल्ली दी 70 विधानसभा सीटें लेई मतदान होआ। कुल 699 मेदवार चुनां मैदान च ना।
- प्रधानमंत्री नरेंद्र मोदी होरें महाकुम्भ दे चलदे त्रिवेणी संगम च पवित्र डुबकी लाई।
- सूचना ते प्रसारण मंत्री होरें ओपन ए-आई दे मुख् कार्जकारी अधिकारी कन्नै मलाटी करियै ए.आई स्टैक पर चर्चा कीती।
- विदेश मंत्री डॉ. एस जयशंकर होरें नमीं दिल्ली च संयुक्त राष्ट्र महासभा दे अध्यक्ष हुंदे कन्नै मलाटी कीती।
- केंद्री गृह मंत्री होरें इक उच्च सतह दी बैठक च जम्मू-कश्मीर दी सुरक्षा स्थिति दा जायजा लैता।
- गैर कनूनी तौरा पर अमरीका गेदे 104 भारतीयें गी लेइए इक्क अमरीकी विमान अज्ज अमृतसर पुज्जा।

<><><><><><>

Voter-Turnout

दिल्ली विधानसभा लेई अज्ज मतदान होआ। संझा 5 बजे तगर कुल 57 अशारिया 7-0 मतदान दर्ज कीता गोआ ऐ। मतदान बडुलै 7 बजे शुरू होआ ते संझा 6 बजे तगर जारी रेआ। सब्बनें थमां मता मतदान उत्तर पूर्व दिल्ली च होआ। उत्थे 63 अशारिया 8-3 फीसद मतदान होआ। एहदे मगरा शहादरा च 61 अशारिया 3-5 फीसद मतदान होआ। उत्तर दिल्ली च 57 अशारिया 2-4 फीसद मतदान होआ ते उत्तर पच्छिम च 58 अशारिया 0-5 फीसद मतदान होआ। दक्खण पच्छिम च 58 अशारिया 8-6 फीसद ते पच्छिम दिल्ली च 57 अशारिया 4-2 फीसद मतदान होआ। सब्बनें थमां घट्ट मतदान दक्खन पूर्व जिले च होआ, उत्थें 53 अशारिया 7-7 फीसद मतदान होआ।

<><><><><><>

Delhi-Election Arrangement

दिल्ली दी सारी 70 विधानसभा सीटें पर अज्ज सख्त सुरक्षा बंदोबस्तें हेठ मतदान होआ। मतदान बडुलै 7 बजे शुरू होआ हा। इस चुनां च कुल 699 मेदवार चुनां मैदान च ना। इनें चुनाएं गी रमानदारी आहले ढंगै सिर करोआने लेई लोडचदे सब्बै इंतजाम कीते गेदे हे। 70 विधानसभा खेत्तरें लेई 13 ज्हार 700 थवां मते मतदान केंद्र बनाए गेदे हे। इंदे चा 70 मतदान केंद्रें दा प्रबंधन पूरी चाल्ली कन्नै महिलाएं आसेआ कीता गोआ जिसले के 70 होरनें दा प्रबंधन दिवयंगजनें आसेआ कीता गोआ। चुनां आयोग नै मतदान गी सुचारू ढंगै सिर करोआने लेई 1 लक्ख 80 ज्हार थवां मते मतदान कर्मिं गी तैनात कीता गेदा हा।

<><><><><><>

## Key Candidates

अज्ज दिल्ली विधानसभा लेई वोट पाए गए। जिनें प्रमुख सियासी मेदवारें दे भागें दा फैसला अज्ज ईवीएम च कैद होई गोआ, उन्दे च आम आदमी पार्टी दे राश्ट्रीय संयोजक अरविंद केजरीवाल, दिल्ली दी मुखमन्त्री आतिशी ते दिल्ली दे मन्त्री गोपाल राय, भाजपा दे विजेन्द्र गुप्ता, प्रवेश वर्मा, रमेश बिधूडी ते कैलाश गहलोट शामिल न। एहदे अलावा कांग्रेस नेता संदीप दीक्षित, हारून युसुफ ते अलका लांबा होर बी रियासी मैदान च न।

<><><><><><>

## Delhi-Election

राश्ट्रपति द्रौपदी मुर्मू, केंद्री मन्त्री डॉ. एस. जयशंकर ते हरदीप सिंह पुरी, वरिष्ठ कांग्रेस नेता राहुल गांधी, सेनाध्यक्ष जनरल उपेंद्र द्विवेदी, दिल्ली दे उपराज्यपाल विनय कुमार सक्सेना ते दिल्ली दी मुखमन्त्री आतिशी होर सब्बनें थवां पैहले वोट पाने आहलें च शामिल हियां। मुख चुनां आयुक्त राजीव कुमार, चुनां आयुक्त डॉ. सुखबीर सिंह संधू ते ज्ञानेश कुमार, दिल्ली पुलिस आयुक्त संजय अरोड़ा होरें बी वोट पाने दे अपने अधिकार दा इस्तेमाल कीता।

<><><><><><>

## VP-Delhi Election

उपराश्ट्रपति जगदीप धनखड़ होरें आखेआ ऐ जे मतदान लोकतंत्र दा आधार ऐ ते एह आक्सीजन आहला लेखा कम्म करदा ऐ। दिल्ली विधानसभा चुनांऽ आस्तै अपना वोट पाने मगरा मीडिया गी संबोधित करदे होई धनखड़ होरें आखेआ जे मतदान सारे अधिकारें दा मूल मंत्र ऐ ते एहदे थवां बड्डा कोई हक्क नेई ऐ। उनें इस गल्ला दा बी जिक्र कीता जे भारत दुनिया दा सारे थवां मता पराना ते सब्बनें थवां जीवंत लोकतंत्र ऐ जित्थे मतदान दे राएं गै सत्ता परिवर्तन हुंदा ऐ। उपराश्ट्रपति होरें चुनां आयोग आसेआ कीते गेदे इंतजामे दी सराहना कीती।

<><><><><><>

## PM-Kumbh

प्रधानमंत्री नरेंद्र मोदी होरें अज्ज प्रयागराज च महाकुम्भ च त्रिवेणी संगम पर पवित्र डुबकी लाई। उनें उत्तर प्रदेश दे मुखमन्त्री योगी आदित्यनाथ हुंदे कन्नै किशती दी सोआरी कीती। प्रधानमंत्री होरें गंगा, यमुना ते सरस्वती नदी दे संगम त्रिवेणी पर पूजा अर्चना बी कीती। भारत दी आध्यात्मिक ते सांस्कृतिक विरासत दे संरक्षण ते संवर्धन दी सरकार दी प्रतिबद्धता मूजब प्रधानमंत्री होरें तीर्थ स्थलें पर बुनियादी ढांचे ते सुविधाएं गी बदाने आस्तै म्हेशां गैंऽ पुट्टियां न। पिछले बरे दिसंबर च प्रयागराज दी जात्तरा दौरान प्रधानमंत्री होरें 5 ज्हार 500 करोड़ रपे दी 167 परियोजनाएं दा उद्घाटन कीता हा। केंद्री मन्त्री किरेन रिजिजू होरें बी महाकुम्भ च पवित्र डुबकी लाई। सोशल मीडिया दी इक पोस्ट

च रिजिजू होरें आखेआ जे महाकुम्भ 144 बरें च इक बारी औंदा ऐ ते कुसै गी बी ऐसे ऐतिहासिक धार्मिक क्षण पर राजनीति नेई करनी लोडचदी। उनें सारे श्रद्धालुएं थवां दिशा-निर्देश दी पालमा करने पर जोर पाया।

<><><><><><>

### Vaishnav-Open

सूचना ते प्रसारण मंत्री अश्विनी वैष्णव होरें अज्ज ओपन ए-आई दे मुख कार्याकारी अधिकारी सैम अल्टमैन हुंदे कन्नै मलाटी कीती। वैष्णव होरें दस्सेआ जे प्रधानमंत्री नरेंद्र मोदी टेक्नॉलजी दे लोकतंत्रीकरण दे हिमायती न ते अल्टमैन होरें प्रधानमंत्री हुंदे नजरिए दी सराहना कीती। वैष्णव हुंदे मूजब उनें ओपन ए.आई दे मुख कार्याकारी अधिकारी हुंदे कन्नै सम्पूर्ण ए.आई स्टैक जी.पी.यू मॉडल ते एप्स तैयार करने दी कार्यनीति बारै चर्चा कीती।

<><><><><><>

### Jaishankar-UNGA Prez.

विदेश मंत्री डॉ. एस जयशंकर होरें अज्ज नमीं दिल्ली च संयुक्त राष्ट्र महासभा दे अध्यक्ष फिलेमोन यांग हुंदे कन्नै मलाटी कीती। सोशल मीडिया पोस्ट च डॉ. जयशंकर होरें आखेआ जे उनें बहुपक्खी सुधारें दी जरूरत सने संयुक्त राष्ट्र दे एजेंडे दे बक्ख-बक्ख मुद्दें पर विचार-विमर्श कीता। एहदे अलावा खेत्तरीय, वैश्विक ते विकास कन्नै जुडे दे मुद्दें पर गल्लबात होई।

<><><><><><>

### Trump UNHRC

अमरीका दे राष्ट्रपति डोनाल्ड ट्रम्प होरें संयुक्त राष्ट्र मानवाधिकार परिषद सोयां अमरीका गी बक्ख करने आस्तै इक कार्याकारी आदेश पर दस्तखत कीते। एहदे कन्नै फिलीस्तीनी शरणार्थीं गी संयुक्त राष्ट्र एजेंसिं आसेआ भविक्ख च कुसै बी चाल्ली दे आर्थिक सहयोग पर प्रतिबंध रौहग। राष्ट्रपति ट्रम्प होरें अमरीका गी संयुक्त राष्ट्र दी शैक्षणिक वैज्ञानिक ते सांस्कृतिक संगठन यूनेस्को च बी अपनी हिस्सेदारी दी समीक्षा करने दा निर्देश दित्ता। कार्याकारी आदेश च आखेआ गेआ ऐ जे अमरीका नै दुए विश्व युद्ध मगरा संयुक्त राष्ट्र दी स्थापना च मदद आस्तै भविक्ख दे वैश्विक संघर्षे गी रोकने ते अंतरराष्ट्रीय शांति ते सुरक्षा गी बढ़ावा देने दी घोषणा कीती।

<><><><><><>

### Watershed Yatra

केंद्री ग्रामीण विकास मंत्री शिवराज सिंह चौहान होरें अज्ज हाइब्रिड मोड च वाटरशेड यात्रा दी शुरूआत कीती जेदा विषेसार ऐ जल लाए धन धान्या। इस जन संपर्क अभियान दा मकसद वाटरशेड विकास गतिविधियें दे बारै च जागरूकता पैदा करना ऐ। एहू अभियान प्रधानमंत्री कृषि सिंचाई



## HM-Security

केंद्री गृह मंत्री अमित शाह होरें जम्मू-कश्मीर च सुरक्षा हालात बारै अज्ज नमीं दिल्ली च इक उच्चि सतह दी जायजा बैठक दी प्रधानता कीती। कल शुरू होई दी इस बैठका च लेफ्टिनेंट गवर्नर मनोज सिन्हा हुंदे सने गृह सचिव गोविंद मोहन, सेना अध्यक्ष जनरल उपेंद्र द्विवेदी ते होर दुए वरिष्ठ अधिकारिणं बी हिस्सा लैता। बैठक दरान गृह मंत्री होरें आखेआ जे प्रधानमंत्री नरेंद्र मोदी हुंदी अगुवाई आहली केंद्र सरकार जम्मू-कश्मीर थमां आतंकवाद दे पूरी चाल्ली सफाए आस्तै बचनबद्ध ऐ। उने सब्भनें सुरक्षा एजेंसिणं गी एह हुक्म रसाल कीता जे ओह जम्मू-कश्मीर च आतंकवाद दे खात्मे लेई आपूं'चै तालमेल बनाइयै कम्म करना बरोबर जारी रक्खन।

<><><><><><>

## Suspect-Apprehended

भारती फौजै जम्मू-कश्मीर पुलस दे सहयोग कन्नै कल पुलवामा च कल इक संदिग्ध गी हिरासता च लैता। हासल होठ दी इक खूफिया सूह पर कार्रवाई करदे होई सुरक्षाबलें आसेआ शाहबाद इलाके च गड्डिणं दी तलाशी आहला इक सांझा गश्ती नाका लाया गेआ जिस दरान इस संदिग्ध गी हिरासता च लैता गेआ। फौज दी चिनार कोर मूजब, संदिग्ध कोला जंगी समेयान बरामद कीता गेआ ऐ। पुलसै इस मामले दी अगड़ी तफतीश शुरू करी दित्ती दी ऐ।

<><><><><><>

## PMGSY-Centre

केंद्र शासित प्रदेश जम्मू-कश्मीर नै प्रधानमंत्री ग्राम सड़क योजना दे तैहत ग्रामीण शिड़कें दे विकास आहले खेत्तर च बड़ी बड्डी ते महत्वपूर्ण प्रगति दर्ज कीती ऐ ते पिछले 3 बरें च 5 ज्हार किलोमीटर शा मती शिड़कें दा कम्म सबूरा कीता गेआ ऐ। लोकसभा च पुच्छे गेदे इक सोआला दे परते च ग्रामीण विकास मैहकमे दे केंद्री राज्यमंत्री कमलेश पासवान होरें दस्सेआ जे बरे 2021-22 च 3 ज्हार 278 किलोमीटर शिड़कें दा कम्म सबूरा कीता गेआ। एहदे मगरा बरे 2023-24 च 535 किलोमीटर शिड़कें गी मंजूर कीता गेआ ते 956 किलोमीटर शिड़कें दा कम्म तोढ चाढेआ गेआ। बरे 2023-24 दरान प्रधानमंत्री ग्राम सड़क योजना तैहत केंद्र सरकार दी तरफा 1 ज्हार 304 करोड 17 लक्ख रुपें दी सहायता दित्ती गेई जेदे नै खित्ते च ढांचागत विकास गी बल थ्होआ।

<><><><><><>

## Punjab-Indian Return

गैर कनूनी तौर पर अमरीका गेदे 104 भारतीयें गी लेइयै इक्क अमरीकी विमान अज्ज अमृतसर दे श्री गुरू रामदास जी अंतरराष्ट्री ब्हाई अड्डे पर पुज्जा। सूत्रें मूजब इंदे च 30 लोक पंजाब दे, जदके बाकी चंडीगढ़, हरियाणा, गुजरात, महाराष्ट्र ते उत्तर प्रदेश थमां न। सब्बै निर्वासित लोकें दे सत्यापन दी प्रक्रिया चला रदी ऐ। अमरीका च नमीं सरकार आने दे बाद पैहली बार अवैध अप्रवासियें गी उन्दे देश भेजेआ गेआ ऐ।

<><><><><><>

## Mumbai-Arrest

महाराष्ट्र दे पालघर जिले च पुलस नै नाइजीरिया दे इक्क नागरिक कोला 26 लक्ख 18 ज्हार रपे दी नशीली दवाइयां बरामद कीतियां न। पुलिस गी एहू बी खबर मिली ऐ जे ओहू भारत च अवैध रूप कन्नै रवा रदा हा। अधिकारिणं मूजब नशीले पदार्थ निरोधक सेल दी इक टीम नै वसाई खेतर दे विजयलक्ष्मी नगर दे निकट संदिग्ध स्थिति च उसी गिरफ्तार कीता गेआ ऐ।

<><><><><><>

## National-Games

देहरादून च चला रदी राश्ट्रीय खेड्डें च अज्ज निशानेबाजी च हरियाणा दी सुरूची नै महिलाएं दी 10 मीटर एयर पिस्टल मुकाबलेबाजी च सुन्ने दा तगमा हासिल कीता ऐ। हरियाणा दी गै पलक नै चांदी दा जिसले कि पंजाब दी सिमरनप्रीत कौर नै कै।S दा तगमा अपने नां कीता।

<><><><><><>

## Cricket-Ranji

रणजी ट्रॉफी क्रिकेट च मौजूदा चैंपियन मुम्बई ते हरियाणा बश्कार होने आहले क्वार्टर फाइनल मैच आहली जगह गी हरियाणा दे लाहली थमां बदलियै कोलकाता स्थानंतरित करी दित्ता गेआ ऐ। एहू मैच 8 थमां 12 फरवरी तोड़ी ईडन गार्डन्स च खेड्डेआ जाग। 42 रणजी खिताब जित्तने आहली मुम्बई दी टीम च भारत दे टी-20 कप्तान सूर्यकुमार यादव, शिवम दुबे, शार्दुल ठाकुर ते अजिंक्य रहाणे जनेय खडारी शामिल होंगन। होरनें क्वार्टर फाइनल च पुणे च जम्मू-कश्मीर दा मुकाबला केरल कन्नै, नागपुर च विदर्भ दा सामना तमिलनाडू कन्नै ते राजकोट च गुजरात दा मैच सौराष्ट्र कन्नै होगा।

<><><><><><>

## Karnatka-Arobetic

एयरो इंडिया शो 10 फरवरी थमां 14 फरवरी तगर बेंगलुरू च होग। एहदे च इक्क बार फी सूर्य किरण एरोबेटिक टीम दे करतब दिक्खने गी मिलंगन। 14 पायलटें दी इस विशिष्ट टीम गी भारतीय वायु सेना दे दूत दे रूप च जानेआ जंदा ऐ। एह टीम एयरो इंडिया शो दरान अपने आकर्षक लाल ते सफेद हॉक एमके-132 जेट विमानें दा संचालन करोग। इस बरे इन हॉक्स च रंगीन धुआं कडुने आहले स्मोक पाइस लाए गेदे न। ब्हाई प्रदर्शन दरान एह ज्हाज स्हाडे राश्ट्रीय ध्वज च शामिल त्रै रंगें दा धुआं छोड़ंगन। 1996 च स्थापित सूर्य किरण एरोबेटिक टीम 9 ज्हाजें आहली अपनी चाल्ली दी इक्कमात्र टीम ऐ। टीम नै हुनै तोड़ी देश ते विदेश च सत्त सौ बार प्रदर्शन कीता ऐ।

<><><><><><>